



Broj: 0101-2949/19
Sarajevo, 01. 04. 2019. godine

Na osnovu člana 10. Pravilnika o ostvarivanju i raspolaganju vanbudžetskim prihodima Univerziteta u Sarajevu, Odluke Fonda za razvoj Univerziteta u Sarajevu broj od 07. 02. 2019. godine i Zaključka Senata Univerziteta u Sarajevu broj od, Univerzitet u Sarajevu raspisuje

**INTERNI KONKURS
za dodjelu sredstava Fonda za razvoj Univerziteta u Sarajevu
uplaćenih za 2017. godinu**

Od ukupnog iznosa sredstava koja se uplate u Fond za razvoj Univerziteta u Sarajevu **5%** sredstava se obavezno izdvaja za funkcioniranje i rad Studentskog parlamenta Univerziteta u Sarajevu.

Na osnovu Pravilnika o ostvarivanju i raspolaganju vanbudžetskim prihodima Univerziteta u Sarajevu, sredstva Fonda za razvoj Univerziteta u Sarajevu uplaćuju se i raspoređuju isključivo za sljedeće namjene, izraženo procentualno:

a) *osiguranje pristupa relevantnim bazama podataka za sve organizacione jedinice radi unapređenja nastavne i naučne djelatnosti – 10%*

Kriteriji za dodjelu sredstava:

- redovan pristup relevantnim bazama podataka,
- zahtjev za pristup novim relevantnim bazama podataka.

Potrebna dokumentacija za prijavu:

- obrazložena prijava na Interni konkurs,
- dokazi o pristupu relevantnim bazama podataka,
- obrazložen zahtjev za pristup novim relevantnim bazama podataka,
- dokaz o visini traženih sredstava.

Sredstva za osiguranje pristupa relevantnim bazama podataka za sve organizacione jedinice će biti dodijeljena isključivo za materijalne troškove radi unapređenja nastavne i naučne djelatnosti.

b) *sufinansiranje troškova u vezi sa prezentacijom naučnih i umjetničkih dostignuća akademskog osoblja u cilju osiguranja ravnopravnog i blagovremenog ispunjavanja obaveza u postupku akademskog napredovanja i napredovanja naučnoistraživačkog osoblja u skladu sa Zakonom o visokom obrazovanju i Zakonom o naučnoistraživačkoj djelatnosti – 10%*

**Kriteriji za dodjelu sredstava:**

- kontinuirano učešće u prezentacijama naučnih i umjetničkih dostignuća,
- pravovremeno napredovanje u skladu sa Zakonom o visokom obrazovanju i Zakonom o naučnoistraživačkoj djelatnosti.
- prednost prilikom ostvarivanja prava na dodjelu sredstava imaju univerzitetski udžbenici i knjige za koje se može dokazati da se koriste za realizaciju nastavnog procesa na UNSA

Potrebna dokumentacija za prijavu:

- obrazložena prijava na Interni konkurs,
- dokaz o izboru u akademsko ili naučnoistraživačko zvanje,
- dokaz o periodu i isteku izbora u akademsko ili naučnoistraživačko zvanje,
- dokaz o objavljenom naučnom radu i realiziranom umjetničkom projektu
- dokaz da se knjiga koristi za realizaciju nastave
- dokaz o visini traženih sredstava.

Sredstva za sufinansiranje troškova u vezi sa prezentacijom naučnih i umjetničkih dostignuća akademskog osoblja u cilju osiguranja ravnopravnog i blagovremenog ispunjavanja obaveza u postupku akademskog napredovanja i napredovanja naučnoistraživačkog osoblja u skladu sa Zakonom o visokom obrazovanju i Zakonom o naučnoistraživačkoj djelatnosti će biti dodijeljena isključivo za materijalne troškove realizacije naučnog/umjetničkog projekta (troškovi objave radova, tehničke pripreme i štampanja knjiga, drugi troškovi), bez autorskih, uredničkih i sličnih honorara i naknada.

c) sufinansiranje školarina na trećem ciklusu studija akademskom osoblju koje je u radnom odnosu sa punim radnim vremenom na Univerzitetu odnosno organizacionoj jedinici radi osiguranja ravnopravnih i blagovremenih mogućnosti pohađanja trećeg ciklusa studija – 10%

Kriteriji za dodjelu sredstava:

- radni odnos sa punim radnim vremenom na Univerzitetu odnosno organizacionoj jedinici,
- okončan treći ciklus studija u 2017. godini.
- prednost imaju kandidati koji nisu ostvarivali prava po bilo kom od sljedećih osnova: finansiranje ili sufinansiranje iz drugih izvora (sredstava organizacionih jedinica, budžeta bilo kojeg nivoa vlasti, potpuno ili djelimično oslobađanje od obaveze plaćanja školarine)

Potrebna dokumentacija za prijavu:

- obrazložena prijava na Interni konkurs,
- dokaz o statusu radnog odnosa,
- dokaz o odbranjenoj tezi trećeg ciklusa studija,
- ovjerena izjava da treći ciklus studija nije finansiran ili sufinansiran iz drugih izvora uključujući i izvore sredstava Organizacionih jedinica,
- dokaz da je kandidat lično izvršio uplatu školarine trećeg ciklusa
- dokaz o visini traženih sredstava.



Sredstva za sufinansiranje školarina na trećem ciklusu studija akademskom osoblju koje je u radnom odnosu sa punim radnim vremenom na Univerzitetu odnosno organizacionoj jedinici radi osiguranja ravnopravnih i blagovremenih mogućnosti pohađanja trećeg ciklusa studija će biti dodijeljena isključivo za troškove trećeg ciklusa studija.

d) *poticanje međunarodne saradnje i mobilnosti nastavnika i saradnika – 5%*

Kriteriji za dodjelu sredstava:

- potpisan sporazum ili protokol o međudržavnoj ili međuinstitucionalnoj međunarodnoj saradnji i mobilnosti nastavnika i saradnika,
- značaj saradnje za Univerzitet u Sarajevu,
- očekivani rezultati saradnje,
- referentnost učesnika u programu saradnje.

Potrebna dokumentacija za prijavu:

- obrazložena prijava na Interni konkurs,
- kopija sporazuma ili relevantnog dokumenta o saradnji,
- dokaz o visini traženih sredstava.

e) *unapređenje kvaliteta poslovanja u cilju jačanja i unapređenja integracije Univerziteta kroz standardizaciju poslovanja ustanovljavanjem programskih paketa u studentskim i ekonomskim službama organizacionih jedinica, uvođenje integriranih poslovnih paketa, razvoj i unapređenje sistema finansijske kontrole, provođenje postupka interne i eksterne revizije i dr. – 20%*

Kriteriji za dodjelu sredstava:

- trenutno stanje programskih paketa u studentskim i ekonomskim službama organizacionih jedinica,
- doprinos jačanju i unapređenju naučne i umjetničke produkcije na Univerzitetu u Sarajevu u skladu sa Pravilnikom o nagrađivanju
- neophodnost za uvođenje integriranih poslovnih paketa,
- neophodnost razvoja i unapređenja sistema finansijske kontrole,
- značaj provođenja postupka interne i eksterne revizije i drugo.

Potrebna dokumentacija za prijavu:

- obrazložena prijava na Interni konkurs,
- detaljno obrazložen projekt,
- Dokumentaciju vezanu za dodjelu sredstava u skladu sa Pravilnikom o nagrađivanju akademskog i naučnoistraživačkog osoblja i dodjeljivanju sredstava organizacionim jedinicama Univerziteta u Sarajevu na osnovu rezultata naučnog/umjetničkog rada za 2017. godinu dostavlja Služba za naučnoistraživački rad Rektorata UNSA.
- dokaz o visini traženih sredstava.



f) *organiziranje naučnih i stručnih skupova od posebnog značaja za Univerzitet koje utvrdi Senat Univerziteta na godišnjem nivou na prijedlog Odbora – 5%*

Kriteriji za dodjelu sredstava:

- značaj naučnog i stručnog skupa,
- naučna relevantnost organizatora i referentnost učesnika skupa,
- očekivani doprinos razvoju i širenju naučne misli i rezultata istraživanja,
- mogućnost uspostavljanja trajnih veza i saradnje sa domaćim i stranim naučnim ustanovama i naučnim radnicima,
- tradicija manifestacije i važnost tematike skupa.

Potrebna dokumentacija za prijavu:

- obrazložena prijava na Interni konkurs,
- program rada skupa,
- pregled učesnika skupa,
- dokaz o visini traženih sredstava.

g) *kapitalna ulaganja za razvoj Univerziteta u skladu sa Statutom Univerziteta – 35%*

Kriteriji za dodjelu sredstava:

- trenutno stanje i starost objekta i opreme,
- neophodnost zahvata na uređenju prostora i njegovom prilagođavanju potrebama instaliranja i stavljanja u funkciju naučnoistraživačke opreme, odnosno obavljanja naučnoistraživačkog rada,
- neophodnost nabavke opreme za rad institucije i permanentnu edukaciju kadrova,
- broj potencijalnih korisnika opreme,
- značaj nabavke i korištenja opreme u prilagođavanju standardima i normativima u oblasti visokog obrazovanja i naučnoistraživačke djelatnosti,
- značaj drugih projekata za kapitalna ulaganja.

Potrebna dokumentacija za prijavu:

- obrazložena prijava na Interni konkurs,
- detaljno obrazložen projekt,
- dokaz o visini traženih sredstava.

Prijave će pregledati Komisija koja će Fondu za razvoj Univerziteta u Sarajevu dostaviti konačan spisak prijava.

Interni konkurs ostaje otvoren 15 dana od datuma objavljivanja.

Neblagovremene, nepotpune i neodgovarajuće prijave neće se uzimati u obzir.

Univerzitet u Sarajevu



University of Sarajevo

Prijave je potrebno dostaviti na adresu: Univerzitet u Sarajevu, Obala Kulina bana 7 (prizemlje-pisarnica), 71000 Sarajevo, sa naznakom „Prijava na Interni konkurs – dodjela sredstava Fonda za razvoj Univerziteta u Sarajevu“.

Datum objave: 1. april 2019. godine